

6 Medi 2023

Annwyl Dirprwy Weinidog

Gwaith archwilio diweddar i bresenoldeb posibl Concrit Cyfnerth Awyredig Aerglosi (RAAC) yn Llyfrgell Genedlaethol Cymru yn Aberystwyth

Ysgrifennwn i'ch hysbysu fod y Llyfrgell wedi cynnal gwaith archwilio cychwynnol ar goncrit yn yr adeilad. Yn dilyn yr archwiliadau yma, canfuwyd y byddai'n ddoeth i beiriannydd adeileddol gynnal profion pellach ar y to yn y staciau a leolir ar bedwerydd llawr Trydydd Adeilad y Llyfrgell. Nid oes mynediad cyhoeddus i'r rhan yma o'r adeilad. Nid yw swyddfeydd staff sydd wedi eu lleoli yn Nhrydydd Adeilad y Llyfrgell wedi eu heffeithio.

Fel mesur rhagofalus, mae'r Staciau Llyfrau ar lawr 4 Trydydd Adeilad y Llyfrgell wedi eu cau dros dro i staff. Mesur dros dro yw hwn i alluogi arbenigwyr i wneud gwaith pellach yn yr ardal yma ddechrau wythnos nesaf. Mae hyn yn golygu bod canran o'r Casgliadau Cyhoeddedig ddim ar gael i'n defnyddwyr ar hyn o bryd. Mae peiriannydd adeileddol wedi ei apwyntio i gychwyn yr archwiliad ar ddydd Llun 11 Medi neu ddydd Mawrth 12 Medi.

Mi wnawn eich diweddarau ar ganlyniad y profion ychwanegol yma pan fyddwn yn medru cadarnhau presenoldeb RAAC neu beidio.

Nodwn fod y canllawiau cyhoeddus diweddaraf sydd ar gael gan y Pwyllgor Sefydlog ar Ddiogelwch Adeileddol yn dyddio o Mai 2019 ac mae'n gweithrediadau cyfredol yn unol â'r canllaw SCOSS sydd mewn bodolaeth. Mae Llywodraeth Cymru wedi cadarnhau'r wythnos yma ei bod mewn trafodaethau brys gyda Llywodraeth y DU ar y mater yma, a bod tystiolaeth newydd wedi ei amlygu; deallwn hefyd fod Llywodraeth Cymru nawr yn rhan o Weithgor RAAC Traws Llywodraeth Swyddfa Cabinet y DU. Byddem yn gwerthfawrogi felly petai'ch swyddogion yn medru rhannu unrhyw wybodaeth newydd a ddarperir gan y Gweithgor RAAC cyn gynted ag y mae ar gael - gan gynnwys unrhyw ganllaw ar ba gamau i'w cymeryd a phryd.

Yn gywir

Ashok Ahir, Llywydd

[redacted S.40]



Pedr ap Llwyd, Prif Weithredwr a Llyfrgellydd

[redacted S.40]

